



幼學堂詩稿卷十四

吳縣沈欽韓文起

初夏雨中過竺林庵仍前韻與錢改齋邵犖甫許弱

庵作

啟牖搏風急緣村散雨深麥黃秋上隴僧白夏安林鳥毳

黏新穎蟲泥破寂音留詩便有例好撰伯牙琴

鄧牧集名伯牙琴

小閣納山少雲窩猶自深稚桑間上簇雛羽健穿林徑冷

苔知意牆高竹遞音向誰心貌古多負斷紋琴

吾與庵瓶中芍藥從摠持林乞得

嫣紅姹紫百忙過珍重軍持摘錦窠空際五雲擎善慧定

中一雨散維摩羞當鏡檻行行映剩著藍衫踏踏歌自笑
寒酸一詩老待來壻汝已蹉跎 孟郊詩芍藥誰為壻人人不敢來惟應待詩老日日

殷勤

蕨已舒拳豆起沙揔持林拘欲殘花更誰濃笑睇雙頰竟

此微香鬧午衙春夢如雲隨大殿遠情流水送無涯天風

吹了空諸相莫道秦郎是作家 秦淮海詩有情芍藥含春淚

書元祐黨人碑 宋史徽宗紀崇寧元年九月己亥籍元祐及元符末宰相文彥博等侍從

蘇軾等餘官秦觀等內臣張士良等武臣王獻可等凡百有二十人御書刻石端禮門三年六月戊

午詔重定元祐元符黨人及上書邪等者合為一籍通三百九人刻石朝堂今所存者乃南宋所翻

三百九人之本有饒沈二本畢沅續通鑑考異云初本首文彥博後本首司馬光

陰山炎海禍相因屈指穉郎首禍人不待銅駝荆棘裏一

孟麥飯哭宣仁

胡越一家猶有故薰蕕同器却何緣 後來蔡京自快私讐故章惇曾布李清臣

張商英楊畏黃履之徒列焉 羣兒自有姦臣傳在費安民一例鐫

黃門夜半碎哥舒遺臭流芳不屬渠一百三人重勘會 紹興

間張綱看詳初本九十八人除王珪不合在籍自餘九十

七人多是名德之臣其餘更有上官均岑象求餘官江公

望范柔中孫諤鄧考甫等六人名德亦顯然可見共計一

百三人依得累降推恩指揮許子孫陳乞恩例蓋公論以

不與其間 老姦猶恨未刪除 聞見後錄嘗問趙丞相元鎮
為憾矣 日張天覺者首造元祐部黨
之人也靖康初與范文正司馬文正同追贈天下已非之
公身任邪正之辨既未能追改更謚以文忠是與蔡公齊
富公弼一
等也可乎

潞公後死有餘榮端禮門邊冠大名學究祇循兔園策輕
將一字易新城新城王尚書題文潞公云姓名留冠
黨人碑歸愚宗伯改冠字為重字

題慶元黨籍

狗頸不繫禡當然五十餘人一網連三女重刊元祐黨滿
潮新數紹興年更誰國老承湯鼎可患儒生賣藥綿彈指
頭顱行萬里也教醜繆快黃泉伐金議起追封鄂王追奪
秦檜此公論也侂胄誅并
檜牽復其時儒臣可羞矣
羅大經鶴林玉露亦云然

周穆王

鞭山架海轉頭空費盡鮑魚豹尾中終是周家明德遠瑤
池晏罷返祇宮

隋文帝

家客居然社稷臣獨孤誤我一酸辛可憐地厚天高曲吹
盡楊花滿院春

唐宣宗

門生天子玩邊巡不使前星耀玉宸儘有裴休賜無畏官
家生怕作閒人

宋太祖

先生論語幾行誇老嫗金滕一念差杜后之意不過欲貴
兩兒如北齊婁后之
見倉卒斧聲搖燭影又將母子累官家

效張籍和番公主

按憲宗女太和公主
長慶元年下嫁回鶻

花門百兩簇明駝一離璇宮振玉珂蕃婦北來皆白帽陰
山南下是黃河落鵬應作如皋笑騙馬難為出塞歌歸去

好將興慶慰使臣莫道涕痕多舊唐書迴紇傳送使胡証等將歸可敦宴之帳中留

連號啼者竟日又按舊書許昏出自憲宗也

報功奕葉締新婚萬國歡心先帝恩好護風塵留玉貌終

違宮闕愴慈魂隨身尙食庖難共稱意宮娥閣自溫聞道

毗伽重天妹早修金屋貯可敦

牧牛亭秦檜葬處

佳士能忘嘗膽哀姦人終設毒心來紅巾死結明皇戀藍

面生逢盧杞災氣望秦城天座逼呂愿中帥桂林獻秦城王氣詩于檜星當

楚分鬼門催東窓塵暗妖眸閃虺穴榛叢剩骨堆偃曝談秦檜眼

有夜光

次韻吳荀鶴四十自勵詩四首

讀書著手始知愁正似良田望有秋好句風來如合響妄

心雨過不生漚水嫌尺漕聊停舫脚試初桡好上樓四十

頭顱未衰白翠眉有婦慰高柔

菱腰芡觜晚風愁菊腦葵心老圃秋雨苦芥孫堪搗辣麴

神酒子正拋漚嬌兒伴讀開家塾佳客聯吟倚市樓我較

老蒼端易醉新涼為拂簟紋柔

誰信安期始欲愁王承字安期翛然逸興却宜秋黃間肯志空

虛的紫磨難參破壞漚覓句經旬幾入甕閱人一笑獨登樓興來共泛浮梅檻黃葉漫山屐齒柔

卅九龍鍾古所愁白詩行年三十九歲暮日斜時蘇詩亦云龍鍾三十九不妨爽氣

領新秋儒冠但押租牛券達履方蹤釣鼈漚祗有孫晨常閉戶肯教許汜暫升樓十年此事堪交代技到穿楊手自柔

用前韻自遣

寧將有限博長愁况是中年易感秋一蟻蹒跚歸戴粒數魚喁噉出吹漚漫吟詩僅留僧舍別調文難入選樓俗客不來來亦拒獨循嘉樹散風柔

不擬張衡賦遠愁詩情廩廩已先秋回腸一穗熏爐篆爆影雙瞳茗椀漚早定少游乘下澤更輸貞白處重樓清宵欲倩吟蟲伴自乞瓜秧牽蔓柔

責子陶潛那免愁硯田攻苦百無秋未施鳥雀虛今會却顧妻孥厭此漚風細蒲盧暗闕管星飛熠燿巧乘樓一錢不得文章益枉被蘧蔭效口柔

如意人原不解愁寸心一葉獨知秋苔紋剩絆天牛跡萍背常飮水馬漚鬼趣時來空地獄儒林日蹙保城樓著書苦壓巾箱破直恐今無王益柔

豁然禪房石留花

竹新時墮粉梅肥堪蓄鹽蒲褐寂如水一銖香繞簾阿措
闐然入嬌紅覩窓檐離明鍊色正碧衣舞絳襜噉噉烘烏
非艷艷矜涼蟾詩眼驚暫明禪心了無霑袈裟若補綻碎
絨鋪手織軍持端耐久蠟蒂咒力鈐誰謂女兒花法雨含
森嚴調語索公笑妙義煩相拈野柴煮茗舌本能迴甜
董生

揚雄

非意反脣呂步舒春秋正學定何如天人三策無宜適老
讀司空城旦書

費心思媚宰衡

桓譚

本無碩學繼揚雄剩播淫聲累宋公天帝除書渾忘却也
應讀讖贊皇風

蔡邕

幾將忠孝快凶頑跼踣餘生江海間更作吳中三歲計定
能漢史副名山

和許弱菴石湖邨居十首

未欲博高名邨居遂性情僧夸宜覓舉妻悵不治生束帶
偶邀社訪書纔入城門前一竿竹嫋嫋送哦聲

水村聊作市茅屋強名齋鳥歷隨移戶蟲書揀過街縣官
忘姓僻鄰叟記詩佳蝦菜來溪上時與弔古懷

閒向桑陰坐莊家倚共談蟻喧收縊女蝶老抱宜男古貌
頑徒笑虛襟好友諳冷淘呼婦具野菜擇都籃

微醺賒墅務一飽煮醫鮮 蠶墅多酒務而甚醺 碎魚俗號為醫鮮 窺樹藤花

絡行苔鞭筍穿知非追往事思誤理陳編孰向柴門叩青
苗會掠錢

柳岸經垂釣松棚趁納涼迂花蘇細雨柞草散斜陽地僻
衣冠褚身慵禮樂荒新詩早料理折簡下橫塘

不省俗間語暫聞顏發紅坐忘松際月吟遠柳邊風烏榜

迎齊女青帘導郭公今年較洒落洗脚向垂虹

楓瘦摩如意松樛踞養和都凡標士氣遮莫闕書訛笨麴

黃衣罨新秧白背摩先生間望雨龍陣范邨過

楞伽山下路演步好風披捕律閑孳母官書跳活師汲詩

心井渫閱史觀 去聲 臺奇乍可陪僧話生員盡白癡

萬類各蠢蠢魁然誰我徒撲燈微愠底罨網久支吾善處

雞蟲便難祛鵲蚌愚殺機休自動浮世忍須臾

身退言空立兒頑業不分今茲得佳士異日張孤軍汐社

期常集盃湖約共醺和詩聊發粲雌霓敢稱文

虛飄飄三首

虛飄飄野馬窺珠箔晴虹駕綵橋梨雲圍漠漠香篆散條
條枝辭霜葉投驚浪綫斷風箏下碧霄虛飄飄比人心志
猶堅牢

虛飄飄聚芎懸相碓遊絲接作橋燈殘幾晃影絮亂不知
條乍晴宿霧能縈薄將曉明河尚曳霄虛飄飄比人蹤跡
猶堅牢

虛飄飄神君來繡帳羽士化金橋空樂心爲籟狂花眼結
條隨風斷梗觀滄海汎斗浮槎謁紫霄虛飄飄比人作事
猶堅牢

書浯溪中興碑

豬龍不肯爲虺摧子孫遺以滔天災崖公郎當蜀郡去大
枓顧盼靈武來重繫人心權大位勃然幽谷驚春雷可憐
赤手搏鯨虎何辭白地披蒿萊朔方良將旗鼓建潁陽仙
客樽俎陪二三豪傑勤締造風帆萬斛資高桅范陽不搗
長算失興慶亟侍歡顏開逆節四隅毒螫覘生靈萬里瘡
瘼哀中興小腆僅若此少康光武何難哉臣結自詭老文
學李斯追步磨山隈其詞抑塞良有以神州一覘埋黃埃
率干發詔埽洛社阿瞞辟穀游昆臺家奴燎火獸北角元
勲失水魚穿顛山人偃臥甘一壑顛官望拜塵三槐時惟
上元頌朔再大業不竟私歎欵厲精斥讒圖內治殷憂啟

聖求良材聊寓斯文備諷誦度幾赫怒天明恢處高聽界
終無效心肝斑駁藏莓苔春陵鬼門摩老眼河清難俟蒿
里催終樹醜黨盤妖穴誰貪邊功蓄禍胎平原舊守尤坎
坳兵間終始擠姦回

六月六日偶書

盤薄空齋挂葛衫沙餠麥藪半甌攪浴獨反側籩篠席曝
蠹縱橫榆櫨函尙憶剗兒神禹誕難消割肉細君饒漸聲
得意鳴蜻蛚好鳥無嫌自欲緘

題錢改齋塔影樓次東坡韻

萬卷專城勝作州洛生端不效俳優雖無松菊招二仲幸

有齋鹽傲五侯塔正書空排鴈字荻斜應節送漁謳署銜
花鳥詞頭降合律文章樂句搜矯氏醫方探架得索郎釀
法挈鴟求日長甕響高連屋風疾窯烟遠羃洲

二句皆橫塘本色

過硯蠅狐超亂帙點波魚虎掠扁舟頻來耘老浮暉閣莫
認休文玄暢樓摹帖乞兒雞距筆看山浮客兔毛甌治經
賣餅家祧董伸紙題糕膽滿劉遶鬢吟聲撩白鳥插瓶花
氣引青牛誰知笨伯磨刀背久向深山覓饅頭一日推余
先賈勇千秋期爾共分憂選仙初步難違格得果餘生暫
入流布席欣看三士並張帆亟約五湖遊清狂且續吳中
話煩熱聊尋越下麻皮陸走章真對奕羊何索和似行酬

留皮隱霧功名際曳尾檣牀歲月悠癡卧勝將粉本玩悲

歌賸吐瑞光留

明史癡翁建樓題曰卧癡楊君謙為作記又劉草窓欲構樓無力沈石田為作神樓

圖元高則誠寓櫟社沈氏樓作琵琶記清夜蠟炬二枝光忽交合因名瑞光樓

長鬚雙鯉休辭數

木瀆航船可代郵

後漢書楊震傳震諸子代郵行書

憂旱

惡風為雨障吹雲擲陰山乖龍遂嬾性抱珠眠灣濃炎官
赫老火熱燄炸石頑酸癩劇鶴膝了無一日間老農訟風
伯職汝膏澤慳賈人黠于鬼百物騰市闖到豬靈場走殺
雞野饑還豬雞不辭罄何者償其艱願我牀牀漏令汝開
驛顏無田望歲穰意豈升斗間

吳中插秧歌

雨毛邊出稻針長催着翻田好種秧魚嘯子漫塘水大鳩
呼婦脫布衫涼

拍岸池塘水不渾牯牛呵艸上高墩自從夏至分龍後雨
下雲頭只隔郵

一領蓑衣一把鋤東鄉客到插秧初幾經白酒前郵打開
店同來趕肉豬

麥團春出夾糖葱小點心時喚阿公午菜買條時裏白晚

稅種个老來紅

吳縣志稞米有老來紅

若個人家嬾下田不賒生子算寬年分窠學得帮忙好不

會蒔秧看上邊

采蓴辭四首 并序

賦采蓮采菱者多矣太湖中采蓴亦青裙白足女也余命諸子繼作以為風土之謠焉

白笋過湖上白魚 方音同呆 青裙挽手折青梅消夏灣頭聞笑

語新孃子共采蓴來

連愛絲絲儂與歡紫釵不展水風寒不知故事何人說但

喫蓴羹莫作官 康熙三十八年 仁皇帝南巡至東山

書局敘官山西岳陽縣知縣時人目為蓴官 休唱姑蘇楊柳枝莫春唱我采蓴詞連筒挑向衙前賣淡

水河豚已過時

郎上長沙去不歸阿那橘瘦阿蓴肥水楊柳外微風起恰

有雙雙野鴨飛

病僧

束薪歸澗晚縫衲趁窻晴鶴去糧餘盃醫來藥剩鐺疎鍾和響怯古佛亦塵生曾憶降魔日枯松咒更榮

古樹

行人繫馬處橫水卧龍形得雨借苔活依山間石青空心宵出火絕頂晝奔霆甲子忘秦漢叢祠自乞靈

約犖甫改叁龍頭山觀荷遷延罷休吳生偕泛胥口

以釋此懷蘆葦中裁現紅衣曲江千頃邈然莫覩
歐陽永叔云人生此事尚難必况欲功名書鼎彝
殆如此也用東坡岐亭韻二首

連宵待月吟翻硯餘墨汁生衣狎早涼糝汗未當濕詩情
勝候蟲叩音有新得每念葑山荷零落商飈急一航坐成
阻蹄涔跳土鴨葦間漫延緣自舉麴生羃叢綠競刺天殘
繪曳風赤漣漪舞藻鮮翡翠踏藕白臨淵豈無羨遊魚可
漉饋茶煙破水紋卧聽濕薪泣吾生固有分不貪自無缺
營邱驟雨圖攢眉着此客世有陳道人重編江湖集
饑欲咽旃毛渴欲乞少汁人生苦毒中火迫望煦濕物我

豈殊趣鼈長死數得一嚮不宿飽乞命彼所急盛籠竊引
頸每悸呼名鴨相忘江湖中欲去猶懼羃如何魯大夫草
菅般與赤蓬窓倚好風幡幡荷背白頎然古君子一笑掀
絳幘素衣若汜女遠渚含露泣永日垂竿釣欲留恨月缺
觴咏易事爾屈指少佳客豈如選舉輩香香春冬集

懷李申耆南海

短李十年雪盈刺無官一身輕有超越嶠山川始壯遊鞭
鸞弄鳳呼瀧吏扁舟喚我機姜潭山鳥山花舞翠嵐醉中
別袂斜橋鼓夢裏跳波在渚帆穀江點鏡玉山朗顛石鉏
牙梅嶺莽每逢佳處開圖經有愜幽尋操拄杖不似揚州

作貴人車中閉置眉不伸羊城天南何日到紅棉花發珠
江濱蓮幕雖無折腰苦意行猶恐門官戶聲叟長兼漫浪
名散人應作江湖主波羅蹴浪浮蛟宮朱鳥銜日扶桑紅
乘潮越女留一笑尉佗臺上鳴秋風聞道羅浮接句曲欲
往相從乏神足溫藉遙浮萬戶春由敖并寫來南錄李翱應廣
帥楊於陵辟 槁梧飯顆渺愁予尺素沉吟向鷓鴣莫忘疎
有來南錄 鍾蒲澗外秋來倘寄荔枝圖

瘦

我不如老聃鼠壤委殘蔬又遜杜拾遺得錢留白魚小鮮
欲致艱龍肉窮鄉弊俗安可居為誰著書自藏楹覓句更

奪驪珠明妻頑子愚百不遂笑口正比黃河清死心欺魄
久忘醜退之偶肥賈島瘦幸無內熱損神明何至中乾憂
故舊偉哉造化遺形骸滓穢已盡清虛來勤積詩書厚自
養眼前犬豕求肥臙北舍癡兒終薄相如我方堪太牢享

納涼立秋前三日

把卷送驕陽汗如炙輟浣王夏晝威專禪秋宵氣挫烏辭
雲獨飛螢揖人俱坐網絲露珠留林罅星盤破燈暈深淺
愁蟲調短長課風輪寄俯仰稊米困春籜慕古推往勤懲
時戒今懦賤貧固其然殘年勉補過

散髮檐宇下窮居喜安便洗空慮共擔佇寂神自全墜葉

穿幽鳥遠林遞亂蟬所存超昔日無與仍徂年知希自覺
貴矜得誰爲賢家風若相問晚涼宜早眠

我無名士風門庭亦蕭颯識字愁期費罷執子雲楹巨源
豈易逢君房原未答呼兒淨掃庭食罷移短榻黑雲卷怒
龍白雨驅怖鴿槁禾幸寬挺新涼并輸納乾浴體試良軟
飽心語盍林颯秋錚錚燈圍宵嗑嗑一酌亦頽然隱几形
神略

貧饌

腐婢擷菽乳芝栲蓐木植大耳誇劉公輕肌媿合德筍脯
碧玉纖蝦米紅綃色四物盡羅致卅錢勝餘直薪火嫌猛
燄井華殆柔克稍牒菹尙全雜投藪猶特麻油抄匙挾卵
醬澆服匿眊調手自擣刀七何用拭惟慙非力耕此願固
強食幾家富厨簽千味窮物力百金費不貲一飽貪已息
豬肝今罷求蓴羹故分得他年苜蓿盤大耐冷官職

治平寺

不見名花繞曲闌猶聞壞道瀉哀湍蜨情每每含風怯鴉
影頻頻向日寒龕許近隣安木主房嫌生客護皮冠
韓非子許
由不應留得閒家具幾卷殘經尙許看

畢尙書第中園林

綦迹往熏閣畫堂綠垂紅綻渺林塘雨聲竹米篔山脚風

影松花簇水中央除架襪襪多雀甕壞檐幕厯有蜂房幾人
重過西州墅此日真荒陸氏莊

早秋寄慶陽太守盛甫山

三年豸冠未截角衆口寒蟬聳一鶚出麾今爲窮塞主親
舊迢遙顏綽虐丈夫何假銀艾榮老矣寧將名譽博事上
接下劇桔槔爲官爲民難勺藥方灼切此地疇昔當邊衝

奴西羌紛殺掠卧鼓萬里今晏然正煩勸課勤錢罇高材

宦遊薄茲土積慘稍舒人易樂公家三世傳朱輪萬石秦

家安足論兄弟聯翩皆方面要使循良萃一門公今苦貧

厲冰蘖亦勿長行翫歲月

舊唐書文宗謂刺史張賈曰聞卿善長行唐博戲之名亦曰握

槩

南墅藏書飮雨郎何啻還丹換俗骨不啻城邊白艸秋

吳山猶畏火雲流蘆酒傳觴調鴈柱紅鹽孺炙擁駝裘白

鬚何日塵祛摻烏嶺凝天墨圖攢左顧廊延右華池忼慨

功名懷一范

甫山工弦索書畫入妙品故及之

秋夜次孟郊張祐慧聚寺韻寄穹窿李補樵道士

殘暑歸莽蒼琴弦脆繩牀山雲洗空青園露披生香樵歸

遠澗陰蟲語明河光遙知庚申守蝙蝠飛靈場

習靜李抱朴玉池干息吞蘿烟飛澗戶薺樹點山根畫嬾

應熱客符靈乞遠村好攜松樹障時欵杜陵門

效張祐愛妾換馬二首

肯輸汗血博蛾眉便割柔腸翫逸姿抱帳貫珠歸別院買
鞍噴玉效前墀衣香草軟新調日酒醒燈昏錯喚時正要
金鞭纖手奉帶人駱馬與楊枝

乍充華廡悵空閨并送雲翹覓月題別日低鬟難巧笑當
風奮鬣易長嘶封紗剩撫金條脫編埒休塵錦障泥緩轡
桃花人面遠烏騅那不惜虞兮

乞巧辭

金烏玉兔忙奔波若督其後愁鞭撻生靈百竅窮一磨天
孫有功安能加夜夜辛勤銀漢側人烟塞破天門黑百蟲
有口不銜絲乞得金梭何處織誰家少婦焚衙香風吹羅

帶搖明璫癡頑似儂儂好婿巧若天孫當自計

書汪堯峰烈婦周壽英墓表

濁山不放稚泉清何等癡頑蔡旅平三尺紅羅求快死安
亭張女可憐生

姑惡聲酸徹九垓噓枯萬一賴文人西山亦有朱多姐自

把沉寃血面伸

蕭翀蘇州微顯志洞庭朱顯甫女多姐為
凶人鄭某所逼自經死知者皆不敢言越

四年鄭與其妻並叩
首稱朱多姐而死

寄豁然長老

支硎北望隔斜橋義虎燈光喜未銷木末風聲為佛事嶺
頭雲氣作仙躋野花錯莫稀初果水稻參差瘦七條夢裏

覺時同與別牙根生澀藉公調

鐵馬

微風起削簇鱗鱗換羽移宮一枕頻隱約馱鈴催客夢不知身是倦遊人

次董琴南見懷韻

糧懸惟宿火學久似深根心與空相應今于古足尊雲乘秋逸舉蟲入夜深言莫問潛夫事全家算一邨

高才一囊粟寥落病坊居人面要途異天倫薄宦疎塵心看馬足歸夢撰山書領郡亦何樂疲氓望久如

書晉王李克用北嶽廟題名

醉墨行行舞亂鴉歸鞭陣陣走長蛇時來趙鞅興精甲志屈劉琨吹暮笳三矢壯心歸亞子雙鷗獨眼冠朱耶王郎竟作夷門虜犢角婁羅號宅家

克用晚年摧沮不能救河中及王珂降于汴河中爲

賊所有與京師隔絕薛居正所云伯業由是中否也

和潘丈榕皋初夏遊焦山更用子由和東坡焦山韻

少文老疾懷名山託興只在屏障間那知地行八十叟扶桑浴日神丹還布帆高揖石公岫鐵杖徑叩焦仙關鼎浮雲氣貌爭古鶴栖松色神俱閒山紅澗碧迴窈窕茶煙花雨參縉蠻投鞭尙憶水犀駭揮塵幾息江豚頑老仙未倦揮宿墨山僧難挽開曉鑲輕鷗前道點明鏡方瞳微睇低

青鬢長篇疊韻懾精銳滄洲五嶽輕追攀我昔乘潮聞屢
趁丹徒遙望絕巘船未灣年來亂絲裏獨繭久矣寸穎蒙
深菅忽羨捧書俞秀老畫圖追映雙鬢斑

和北固山用子由金山韻

坡陀千頃闢兵場細草茸茸埋檜石江風射人強弩末峭
菑橫空界丹碧眼底鞞尖鐵甕城高樓吹角浮雲平天下
一家形勝在浮圖突兀潮頭迎指點淮南看不足愛聽雪
浪齧山麓很石爛腸不着鞭老檜盤根欲掀谷憑闌一試
京口酒夕陽送盡羣鷗宿三山鼎峙挽仙舟筍輿扶老探
巖幽首夏風清綠陰定綺麗飛騰心未竟藏春陽中望公

歸吳山卻訝遊屐稀客子恩恩爭埭去倦眼那知山水趣

贈邵犖甫移家石湖舊業

一病太支離湖濱好避衰躄躄窺井笑倚伏問龜疑書卷
成行戶衣裘付帳司相如徒四壁裝點賴新詩

屈臂妨新枕遮頭識舊茅門徒齋米請里正甲牌鈔近竈
編雞柵安牀向鵲巢不知屠釣裏可有急難交

家常二八菜親信十三神甘醴空延穆長裾肯效淳尊生
須是病難我不過貧齋日聊相比無羶只受辛

破屋數間留菰蘆瑟瑟秋挑燈同鶴警倚杖雜蜻遊瓜向
東陵種詩從北郭酬琴書急安頓我已辦扁舟

潛夫是病夫天鏡割南湖白醉延賓雀青尖沒寇鳧擁
溫句讀訪藥起偏枯尚遜楊通老無兒入畫圖

楊朴移家圖細君騎

牛抱兒

龜堂藏六便免窟聚三何畧感蜘蛛隱寧蘄碩鼠歌

呂覽

見桓公扣牛角而疾歌注歌碩鼠也

身潛因樹屋脚免上潮韡

王荆公詩韡鳴海上潮

我欲比隣卜同吟十二窩

圖書驚照屋村野未能嫺廟祝新符送鄰醫舊話攀地生

龙善吹飯熟鼠先還嬾却陳平手秋來社肉頌

抄書惟左手迎客但長衫賞少營丹竈交稀發信函稻風

承酒施菰雨落漁帆花艸吳宮下期君把藥鑱

初秋貽友

遮眼文書據槁梧容顏卻稱列仙癯清風盡去祖龍酷佳

日方來司馬都蠲老卷絲黃葉裏蛩驍接尾綠莎呼應知

竹酒鉤空挂慰我頃筐白露酥

洞庭山棗之佳者俗呼白露酥蓋白露節方采

棲真院銀杏樹

梗柁豫章拔空嵌隱形木客揮斤擗禪傍殿材若山積青

特走死崩天欖此材亦當匠石睨大年反蒙樗櫟讒託根

近人轉呵護檐宇得勢超嶄巖櫛蓼上挺殆百尺當暑嫩

綠蔭蕝蕝巧構鋒殺同鴨掌三載玉楮徒鐫劂日含青葱

鎖盦葉風靡翕呷垂蜚縻秀雅獨無兒女態新班玉筍拖

朝衫頽斝桐芭招扶荔奴隸水松嗤石帆平泉草木少此
品何異百味專取鹹冰蟾漸篋小山桂金鸕遠擲合浦杉

此時離離綴星實彈丸未豐黃口鵠集韻鵠丘咸切鳥啄物也豈知銀

葉重包裹堅滑錯比櫻桃銜宣城所產尤名數歐梅交誼

馳書函廊餐自慣羶根餽解包微粲好手摻頗思寒窓夜

覓句瓦盆灰撥松明杕涎流說餅正凄緊響隨爆栗宜清

饒欲種苦乏三松壽傳奇上元夫人謂封陟日能遺君壽倒三松清陰時譽鬚

眉鑒佳名雖見吳都賦往者價重金奩緘六一居士集和聖俞李侯家鴨

脚子云金奩獻疑梳幸當霜枝分百箇殊勝黃獨攜長饒

白秋海棠

一庭風露倚嬋娟蜨瘦蛩寒兩悄然玉色幾能頽薄怒月

華長自照無眠晝簾小閣窺明鏡羅袂空堦委素鈿便遣

生綃和淚寫斷腸心事託黃筌

題姜貞女桂臨姜鶴礪秋山初霽卷

西塞浮鷗地南園落鴈天茶煙高閣裏真羨玉川仙

遺民老共楊元咎裔女清于紀阿男不忘西山采薇客冰

甌滌筆寫晴嵐鶴礪自題云我思高閣裏紗帽是神仙貞女題云縱將一笏遺民淚揮就林泉比采

薇鶴礪姜貞毅從子也

中秋始見月六言

病厭文書住理貧邀風月排當庭影浮鼻端白林翻動額

間黃策策漸催老物緝緝只泣愁妝未知明年何處且問此夕未央

庚辰中秋集辛夷館用前韻

千里清光萬國愁赦書猶未下中秋紅香風露新翻纈碧落星河乍滅漚倚柱何人悲次室憑軒此日悵危樓蛩吟鴟嘯渾無賴木石心腸爾許柔

月仍端正瀉清愁弦管無聲作冷秋今雨一來等墜緒全

潮重起認浮漚

楞嚴經惟認一浮漚體目為全潮

憂深婺婦傳行路喜極

都人望御樓寄語三關諸部長好將忠孝報懷柔

食菱獨酌數盃

常笑歐陽興不淺枯魚乾蝦傾濁醖猶呼赤脚小雙鬟軋軋鳴弦出門限我今貧薄那望此墮糝祗愁蟻競縮撐腸文字如沃焦漬口沾脣無可揀天教罰守短燈檠詫此加

邊洗塵盞齟齬行輟屈到嗜餛飩難致顏橋產

咸淳臨安志菱初生

嫩者名沙角硬者名餛飩蘇州菱以顏橋塘出為上

少年哆口稽古榮視我資生堪

一莞蠹魚寧思飛食肉北宮不為東門赧小兒骨寒常苦

飢玉雪居然好眉眼琅琅誦句代聲歌拜賜執經當手版

嗒然委蛻亦開顏度幾文章紹編刻

天河

塵塵湔得涕痕多灌到人間患濁河終是天孫經嫁了水

精宮裏悵麻婆

山行題鳧舟畫

稻畦蚱蜢驚飛雨
桑壠寒蛩咽夕陽
貪聽泉聲忘路遠
數椽茅屋倚葵房

集申氏式訓堂題文定公讀書東禪寺詩卷真迹次

元韻

紗籠人物盛巖廊
卻對盤餐詠上方
芸葉一房傳舊澤
桂枝三日有餘香
輕雲冉冉月初墮
落葉聲聲酒易涼
待結團瓢並西崦
扁舟秋水舞蓉裳

司徒廟

洗卻舊黃閣猶存
香火緣投村有鴉
影罷社少僧煙古
柏雷燒墨疎花露點
鉛雨三閒客到黃
蝶亦翩翩

白雲堂

董尚書份丙舍

廣厦雲根起風吹
樵斧聲鳥銜红柿
墮魚帖白蘋明襯
屐松毛厚勾衣棘
刺橫生憐舊翁仲
青鬢點苔成

費家埠

人影忽忽柞稻前
木樨裘壓鬢雲偏
山頭冷作經霜面
花氣濃爲釀雨天
金粟綢繆衆香國
玉塵寂寞小梅田
扁舟載得開盧酒
笑指盈樽三百錢

鳧舟以錢六百買潘家酒兩樽

米堆山五雲洞

崇禎丁丑歲顧天敘開

騰騰醉眼逐飛鳥，軋軋籃輿摩木杪。指揮正爾肅青冥，滿幅晴雲旗脚繞。披榛得路牆影紅，倚磴開軒嵐氣縹。得閒宴坐虎頭巖，不用山樓苦登眺。衆峯沓來勢排牆，卻放湖光卷林表。洞花礪草寂無人，一泓石甕封清醪。淨華簌簌篩碎金，錯疑飛雨入叢篠。天香萬樹山西灣，正恐詩情被花惱。多君勝遊時見招，謂息舟龜殼半閒我事了。何況畫稿壓詩囊，力戰窮秋不須挑。

憩玄墓寺山門

門前柏樹子，林外木樨花。企脚一存想，伸眉元有涯。隙風磨櫛蠹，凝靄漲谿沔。洗盃僧初飯，攜筇客未茶。啼螿猶喋

喋乾鵲，或查查。芋卵乾留管，菘羔嫩發芽。樵歸偶梢藥，日沒尚烘霞。碧蘚濃隨淡，青煙整忽斜。梵高環澗落，峯峭插屏遮。暝色山邨犬，寒聲墓木鴉。奇礪藤束帶，病葉蠹經紗。入畫堪隨筆，吟詩莫作家。荒閒光景遠，苦澀性情加。不用禪房叩香嚴，鼻觀誇

虎山橋晚步至池上草堂

長虹中破雙崦，唵塞空青嶂。敷參巒干奩，螺黛埽不足盡。收縹氣，噓晴嵐。虎山岵嶸欲一逞，呀然渴吻窺澄潭。溪風皺面不可熨，谷日沈魄何能探。眉間白豪見，初月織痕蟻。蟻如眠蠶，狂朋浩歌轉山脚。殼寮蟹舍參兩三，蓊蓊待人

竹柏影居士合榜雙林庵烏犍高卧雀驚起紙窓窸窣雲
圍龕籬根菊蕊鮮方圻只消半月迎霜酣衆峯黯然吳王
墨一星燈火名橋南颺颺林響吹短髮空園露下香穉穉
山中木樨辭

今年寒露樹頭齊香入梅檀林下迷共挽青裙撮花去新
粳炊飯餉山西

黃金何啻滿籬量挑出山前一路香多謝天公老晴色早
收頭番到行場

銀釵滿插未空回蝴蝶黃黃金粟堆不似梅花惹風雪鯉
山誰看木樨來

連舩催載費家河三日工夫萬斛多偏是好風傳笑語深
林門唱采茶歌

草草妝梳作米歸滿身清露濕棉衣爲郎穿作金條脫不
信人間珠翠圍

次犖甫九日見招韻

病梨賦後首頻搔叢桂歌殘日更蒿藥裏添君三月崇座
頭推我十人豪憶從香水分菰糗笑對吳山勸菊餽彈指
西風授衣假故人若個念綈袍

幼學堂詩稿卷十五

吳縣沈欽韓文起

重陽維邇庭桂猶榮歡然數杯輒追陶公九日韻二
首

疊疊令節至融融月光生花月交映發賦詩喜有名棲息
愜遲暮芳馨遂晴明小鳥嫌蕭晨閱彼求友聲志士固芬
烈寸心閱千齡雖乏弦琴賞一觴聊自傾風霜漸淒緊百
卉誰其榮典衣尙可酤譽茲瓊樹情衰顏質清鏡植操慙
無成

宇宙皆寓廬豈惟廡下交我寓將舍茲預憂嘉樹凋殘秋

風氣敞廣庭露華高巷冷無人聲新月舒中霄羸年勤著
書北門心自勞清陰一俯仰靈府忘煩焦四時得此夕命
酒歡斯陶委形無所欠悟彼蜉蝣朝

九日

腰金騎鶴諒難期歎老嗟貧亦已癡一櫟花餽新節景三
杯藥酒老生涯雲山自好偶無興風雨不來當有時閑處
工夫須愛惜數緡忙殺餅家師

王勤中畫鶴冊

勤中自養二鶴以貧賣其一所留者
遂死因感悵畫此冊凡十幅今存申

氏

對舞忽成孤影高秋唳斷清霜不忍少貧賣鶴果然天壤

王郎

少葫蘆生人血傳薛少保宗風欲傍誰家池館

不如天際冥鴻

秋晚詠絡緯

藤陰索索苦瓜垂就使悲秋亦過時不信寒窓暗燈下看
他絡得一絢絲

野步口號

端居悒悒行謀野水落西津石鼓陰晚稻黃棲耕耒狹寒
林紅帖酒旗深鴉添別致行牛背雨奏偏功起菜心檢點
惜無錢與邵麴奴看取酒缸沈

九月晦日放舟石湖共改齋弱菴集犖甫蟄窩

黃雞啄啄驚生客拋了枯筇迂病身開手三間泥地屋聚
頭五箇布衣人綠醪卜晝還謀夜紅葉辭秋卻借春笑指
扁舟歸木瀆酒徒盍哉訝比鄰

宿辛夷館聽雨贈榮甫

衰疾冬堂共攘除聯牀竹屋夢蘧蘧更殘滴雨叩方響秋
送隙風號太虛信貨早愁藏腊鼠方聞晚悔欲泔魚黃花
寂寞東籬甚把燭相看影未疎

十月初一日雨中對菊

吳均高興今誰似秋士菰蘆慰我思紅友相交無冷面黃
花共對小低眉古風栗里懷三徑今雨雞窓泥一枝寒夜

留髡文字飲詩壇牛耳愧難持

墨菊

晚節當玄月孤芳寄墨家一叢迷病蝶幾點帖寒鴉短日
先燈影衰年逼眼花何人持鐵面雨鬢愧蒼華

媽紅幾入已成盧插向烏巾鬢未殊傲世輕於黃綬吏戰
秋奇出黑雲都發揮正要霜華襯羅致誰嫌月影孤幸自
不存丹白念西風聊慰草玄儒

初冬沴氣漸息喜柬友人

稚飲未能歌瓦缶

時尚在
邊密

游光先自禁桃及星藏尸氣閒

巫祝風遠春聲笑婦姑茅屋不聞車載板楓林仍勸酒提

壺食新相賀，逃新鬼息老還。期慰老夫

黃山晚歸

青紅樓閣晚霞奇，抽作行行野鴨飛。却是林村添薄相，風梳病葉滿牛衣。

封樁稻秆出山拘，鳥接林間解護巢。貪向西橋望燈火，不知寒月挂船稍。

書窓

玲瓏朝日透林圓，披霧纔如雨霽天。逸翮攤書時過影，輕塵棲硯共生煙。霜梧旆旆死心墮，野魯簪簪生計延。盡是久閒消髀肉，逡循衰病一悽然。

初冬與改齋犖甫遊累日改齋別去復同犖甫宿黃

山管氏書樓悵然有感仍用前韻

山林朝市共乘除，淨掃靈臺企几遽。棄物折資差散誕，病魔衝替漸清虛。偶然問世白頭豕，長此勞生頽尾魚。只是家山貪宿留，向平志願竟全疎。

儒生吟戲寄豁然長老

束髮業儒頗立志，政如出家初發意。始隨鄉校作行童，繼入黌宮蒙披髮。已持孔子具足戒，亦饒散聖神通戲。目窮萬卷轉三藏，神遊六代超十地。幾將館穀化齋糧，聊以訓蒙爲佛事。名參貢士挽計車，寵同大德選街寺。仍縫破衲

白袍歸不博做裘紫衣賜開堂竟少買山資託鉢空磨懷
刺字鬼狐喜喜唱家風鳥雀轟轟投法會弊人難度早思
惟頽波欲挽輕嘗試劇貧須達錢休穿薄福羅句土自餌
以我所爲舉似公公殊有得我乏味公營無縫塔已成我
炷長明燈尙翳從今但敦薄拘羅一生無病亦無偈

示兩小兒

七載苦心兼教養終年菜色怯鞭撻得憐多處皆歸母乞
活難時只怨爺有子那知翻累我爲渠不忍更拋家相看
咄咄催人老瘦骨矜孍益自嗟

驕穉何知反哺急恩勤未有息肩期頗哀老子遨遊少但
似而兄門戶哀世襲奇窮將到汝往煩管怒豈如兒平生
事事輸懷祖不獨科名領底髭

意行寄僧補拙

樵聲如啄木伐荻已無花曲曲巡河鴨忽忽種麥鴉新香
晚邨飯餘絢遠川霞甚欲尋蒲褐窮忙是出家

雨中憶池上菊

詩人命屬花尤急文士愁須酒始降無酒無花開病眼苦
風苦雨打寒窓

說餅齋招犖甫不至次兼山韻

莫訝生機似濕灰長鬚折簡未登來山能露頂研研立日

與溫顏欸欸開掠賸風聲還捨竹商量雪意欲巡梅隱囊
麈尾渾忘語獨酌頗黎酒一盃

洞庭橘枝辭

漫山轉綠更迴黃龍女祠邊半夕陽好待使君三百顆幾
家茅屋有新霜

儂住前山郎外湖住山安穩已輸租五風信裏催船出酒
熟橙香相憶無

羅帕誰家拾道邊一雙繡眼破林煙蕭蕭暮雨吳歌斷水
碧山紅泊畫船

駝蹄羹後壓清饒倚醉脂香破枕函寄語園官休盡揀留

將匹絹製春衫

湯婆子十二韻

不嫌老物與卿卿便可提湯出火坑晚歲推襟代房帥可
人來夢罷心兵溫泉先賴樵青婢丹穴依然養汞嬰未許
比肩當夕御也同抱帳向宵征阿翁新尙趨炎勢此嫗橫
陳送煖情踵息深深應默數小波唧唧久吞聲尺三汗脚
勞相企百兩纏頭寵不驚喚醒春陽非玉質乞將方便比
鉛精宋紹興間有孟婆與我方便
語鉛精爲老婦見玄中記青奴共悵班姬扇紅友
猶期力士鎗胯下辱他同蝨處夜闌伴我聽雞鳴渾無圭
角模稜過漸覺龍鍾皺摺生布被因緣莫輕棄是鄉終老

伐三彭

蠟梅六言

風廊黃葉盡掃晴簷蒸栗漸催欲雪天容慘澹聞香人語
裴回一枝銅瓶共凍百琲雲鬟未開正是圍爐獨坐智瓊
悵望不來

移居詩三首示家人

辛勤將卅載不得名吾廬此生已流浪何者爲定居僦屋
當筍步有樓亦渠渠好山帶檐宇雞犬聞邨墟雖免締構
勞父子勤糞除素乏周旋人載書况盈車輟吾半月業擬
擋得自如未暇置家具先理架上書一觴酌自勞筋骸稍

稍舒家人復啾唧盆鼓無宿儲

貧者士之常吾家清白吏先人少孤露勤立終賫志破屋
遺四椽偃息已兩世弱弟亦有兒風雨愁難庇譬如蒙鳩
巢已壞且愁置豈無同爨恩尙慮紫荆悴疇昔職提攜今
茲門戶異緩急乞醢鹽比隣恐疎棄惟應愛酒伴相於覓
一醉

我性秉疎拙多與流俗忤廿年卧蓬蒿饗殮致艱苦入室
見飢寒我心常愧汝三男復俚愚詩書恐墜緒平昔厲廉
隅亮余爲人父富貴營華屋遞居如逆旅歌哭能幾時况
茲他家庶親賓誼良厚相賀携酒脯新篇復斐然辭意重

矜許他時雨雪中來視子桑戶

題宋徽宗賜崇真宮道士項舉之手札

長生帝君下絳霄雲中樓閣風飄搖半夜火龍神劍躍白
 鶴三萬分班朝天遣魔君瓊趙氏蔡京王黼皆仙史玉真
 軒裏像安妃寶籙宮中巾德士永嘉祭酒高座施金鞭橫
 軼龍樓馳邈然更有崆峒想名姓親提項舉之道家兩府
 謂林與張無此客誰向寥陽問仙格鵠頭想共徐神翁馬肝羞
 作王仔昔黑眚不散鼓蓬蓬神霄良嶽煙塵中潢河迢遙
 別十八癸辛雜識別十八華言五國城汗衫血詔斑斑紅雪窖冰天仗道
 力可惜中華被金狄徽宗自言朕為上帝長子憫中華被金狄之教故願降生

對雪次朱子含期集旭堂說餅齋韻以大風遲一日

晴簷舞雪點房櫳潑盡餘寒日月窮竹保餘青爭魯直李燾
長編真宗他日念右正言魯宗道因題殿壁曰魯直山皴微白類楊風波波雲族排
 鴉陣縷縷冰花綴爵叢羔袖龍鍾欲陰拱幾將俗物笑王
 戎

玉沙浙瀝打疏櫳驢背漁蓑句不窮早答僧書硯微冰緩
 求士畫紙先風名場老敢稱先輩綺夢清休憶小叢虛望
 王恭披鶴氅村煙市火暗戎戎樵者致鳳巢僧訊招踏雪
 犂甫改齋每稱余為前輩
 賦得書聲

立壁殷金石挑燈有鬼神坐深堆逕葉吟苦繞梁塵掩卷

幼學堂詩稿 卷十五
猶三嘆敲詩更幾巡
蛩號與雞唱陋巷憶斯人

賦得棊聲

一局竟午寂瓶笙
只悄吟乳泉久共滴翠幄密相尋
落子松風遠收枰花雨深
不知幾臙膊門外泛瑤琴

說餅齋夜坐用前韻

霜月悽然不隔櫺
白頭我正坐文窮
山封雪汁難消日
水蹙冰紋已絕風
枉費苦心穿鬼窟
每遭巧手賭神叢
機幢收拾聲華歛
未晚斯言聽阿戎

集兼山菜根香處疊前韻

險巖有路抵烏櫛
急難何人示鞠窮
得酒情懷冰見日
催

詩號令雪呼風橫
流直自飄桃梗
廣廈何宜夢
櫟叢但伴梅花冷
將息單車未肯效
崔戎

杜少陵拜杜鵑圖

昔年三大禮稽首
延恩匭空向錦帷
望麗人不得麻鞵見
天子有懷稷契志
莫施六飛崎嶇行
萬里大枒

謂肅宗昏塞

誤家奴阿瞞幾爲兵
死鬼臣甫會同立
仗馬一鳴輒斥身
轉徙轉徙亦復東西
川翠華想像空山裏
小鳥誰知望帝魂
血灑春風萬花紫
襜褕短羽訴飄泊
旋繞宮槐念故蜀
遂令一飯憶君人
惻耳酸腸望林木
綠袍往綴供奉班
那知老淚湔巴山
干戈滿眼歸不得
亂雲遮斷葭萌關
遙知

金粟堆南路千官上陵勅使還佐卿鶴化箭猶在鼎湖龍
去髯誰攀爾鵠莫言歸去好西內羈孤骨肉少何嘗不歸
歸若斯劍南一道差娛老有家可歸尙是樂不見紇千山
頭凍殺雀唐昭宗言此畫工貌得詩心苦朱紫盈朝拜五父

陰山射虎圖

千人帳外吹頭髦白道稱妮金狼韜南河北河水正合鳴
鏑萬騎馳搜牢百獸搶地先乞死驚風裂石黃斑嗥虎聲
風聲戈戟偃一箭噴血殷林臯虎僵不倒迴鞭鞘仰天復
落雙鵬高黑虎最猛帶箭逃撞翻七列誰敢鈔翩然躍馬
弓且發長槍揭起肩連尻怯薛共詫好身手罟姑艸妙解

甲條燎毛割炙伏突刀琵琶圍坐聲嘈嘈橐駝滿載腥與
臊角鷹銜肉涎狃癸胡兒寢皮寒不號殺戮代耕彼天驕
漢氓命若狐兔麇豈如本朝制六合區脫不復烽然
棹谷量牛羊貢九白賀邵山北皆官曹一矢不敢向南射
嗟爾畫師慎拈毫

臘盡從吳茂才乞殘菊賞

忍寒待與梅爲伴自是天生穩重花滿挹禾酸裝上年景
不時宜處見些些韓魏公詠柳絮云不是天生穩重花

乞菊不得從臯舟覓小梅兩樹

菊應嫌我酸寒甚邀頡圍爐飲酒人賴有梅兄共生活不

教作撻後來春

研樵乞鄰竹植織簾草堂并分書帶草

媿娟五青士揖我蓬蒿徑雨餘碧自鮮臘盡寒纔剩披披
始摧沮挺挺旋澹定金瑣迎日篔玉璆向風磬停煙供微
睇得雪耐清聽骨土愁鞭跛脈春望筍孕購石古勁裝聘
梅窈窕興此君但平安其倫非逕庭幽草亦欣然逆知嫡
容媵便作汗青想詩眼不空醒

病中鳧舟屢以藥物見濟歲盡餉白米鰾魚

嗟余攝生不如法初矜超距終顛跣少貧捽茹劇煎心晚
學篝燈忘帖脅十駕施拊未識芻一枰落子便逢劫面小

於裸骨如牆歡不能交病相狎巨防一蟻穿遂遁大怖四
蛇排洽恰感君古誼彌久燁顧予舊盟不再歆分齊桐錄
細封題對證龍方勤籤劄猶希老樹能著花欲起疲丁重
受甲苦辭悱惻孤肝傾俗情盱眙一目眨縱然瘦沈仍移
帶可識醉劉免荷鍤濃霜召煖喜啼鳥淺水流嘶寬戲鴨
酒兵寂寂常堅壘詩戒遲遲偶放牖新編良藥又沓來長
腰縮項并宣押因勸腹腴纔再飯重憶濁醪聊一呷輟箸
長歎味德淡對案高歌與愁壓寂寥不使虞翻恨浸淫只
慮鮑叔乏文章休矣啖雞肋歲月瞥然熟羊胛氣吞往古
喉詎搖謗受羣兒掌自搯窮而後工安足豪巧於用短毋

須怯每索君新詩輒謙挹相期晴日遊斜川久忍寒宵訪
不出故着此句挑之清雪酒狂比舊定如何鬢衰未礙梅花插

復從邱二乞竹栽料峭欲雪既而得雨用前韻

千竿豈嫌多患少三三徑霜筠乍交割雪花擬掠剩蕭郎
枯瘠姿落筆有前定分風旋追尋饒蝶相掉磬簾色幽自
延書聲靜可聽瑩肌文字香窸窣宮商孕何須渭川謀便
生淇澳興苦心免一俗同氣惡不庭新歡洽舊盟魯嫁得
齊媵宵雨膏沐深懷土一噴醒

除夕次子含見懷韻

風送人聲雜市寰本無忙處莫名閒閉門留歲忽忽決繞
屋看兒得得頑硯欲詠梅嫌宿墨鏡乘中酒賺韶顏趁晴
固好尋南郭有雪無妨伴北山

寒瓊

擁萬卷書令破爛比三經席定奇温懸鶉漫乞湯婆裹凍
蝨應勞椅妾捫淚滿牛衣冰上卧聲銷羊圈雪中吞紅糞
瑜上金狨座未必傳家長物存

寒瓶

凍芋抽萌怯井欄幾錢乞得咽哀湍盡翻翁翁人間熱可
見峩峩天下寒欲插好花知得否若盛濁酒便嘗看火爐
頭上誰蹲慣輸與鴟夷饜腹寬文同丹淵集冷瓶詩君
凡幾錢得不惜持遺我

除夕效白樂天何處難忘酒十首

何處難忘酒春風引杖藜
糝紅燒屋角吹綠繡山題蝶
向誰家舞鶯藏別樹啼此時
非白墮豈屑小蠻携

何處難忘酒高陽並俊人
帳霞張作幄花雨埽成茵
綿羽迴歌韻遊絲攪舞塵
此時觥錄事可獨醕陳遵

何處難忘酒榆錢點客衣
科深行卷懶僕慢過軒
稀眼亂逡巡立心知
鴛鴦歸此時非吃夢無力送斜暉
會榜未出前聚朋市

飲俟得第者償謂之吃夢

何處難忘酒槐陰轉夏初
蔥花淪蠶豆糟醜燉鱒魚
鶯自巡風倦花如入月疎
此時非卯飲櫻筍一年虛
石湖詩注吳人酌酒

甕浮醅謂之撇醜酒之精英也

何處難忘酒潺潺雨滴階
山雲寒作絮庭草長垂綯
子母行鞭竹官私袞拍蛙
此時呼五醖自覺醉鄉佳

何處難忘酒山房六月中
垂簾竹閣雨打漿藕塘風
林局葉投烏檐吟絲吐蟲
若非河朔飲黃嬾莫施工

何處難忘酒新霜抹屋檐
蟹奴芒稻拊魚婢穗蘆險
籬眼鮮鮮菊林腰閃閃帘
一鳴缸面少底物慰陶潛

何處難忘酒西風柞稻天
白魚長似劍黃雀軟於綿
小閣初糊紙名琴正合弦
慳囊不此撲叵耐口流涎

何處難忘酒堯年鶴語寒
藏頭無六用曝背待三竿
僧路

抄冰澗漁舟膠雪灘此時挑楫拙論齏倒禾酸
何處難忘酒爭春雪共梅偶然隔水望忽有暗香來松吹
舞能轉鳥啼妝漸開此時沾溼倒不惜玉山頽

辛巳二日立春

春來索莫沒因由菜甲錫枝事事休名紙裁供詩起草錢
繩剩與竹扶頭此心想象皆虛耳
韓非解老人之所以有
意想者皆謂之象也
口呼貓可得不但為尖風勒枯坐梅花宣勸我能遊

新年

新年使我愧酸寒強博親鄰婢媪歡客去向催茶始出僕
隨兼設飯尤難小思轉變戶堅閉大得清閒書獨看猶有

吾門二三子翦蔬漉酒待同餐

閱史有感

人材錄錄汗青羞苦海茫茫漆黑搜覓食鵝盆儂鴨觜容
身菱角作鷄頭
陸放翁詩註吳人以折磨多者為磨
菱角作鷄頭今諺有鵝食盆鴨攪觜菁華
天地豈終闕摩厲廟廊須熟籌已達達人要有類自鳴鳴
國正何憂

乳餅四絕

欄下羶盆搨老丁
丁姓者
最優雪花方鏘侑京瓶近來舌本無

愁強勝讀予元道德經

穆家小弟尚清腴
李肇國史補穆氏四
子賞為乳腐最凡固能砭叔杼肝肺枯

碌碌猶應超五殺莫論茶餅本人奴

不斟錦帳羔兒酒不點瓊廬姝子茶添得詩人癡絕事一

匙和雪嚼梅花

殘牙穩送玉池泉日日黎祁也可憐安得煨蠶干斛貯落

花收拾盡酥煎

邵萃甫送寶應藕粉

汜光一奩浸明鏡雲錦千機水天靚錦帆綵舟不為家雨

打風吹鷺翻艇彎環玉臂搔即傷

漢時吳郡貢傷藕

碧縷搖漪牽

藻苻縣家作粉供玉食遴簡瓠肥棄其梗窆窆滴露泛杏

漿皜皜暴日凝餠霜鷄羽雪塵封錦匣每年土貢隨秋綱

湯官七調芙蓉片白琉璃瑩眸子光茗奴酪母供泛索瀾

幾千品同糶糠圩戶領錢斤四百帖陪過半短長陌仍將

剩料送縣官親賓亦幸先嘗食我患衰羸思湖目不任肥

醲似蟬腹一盃雲母肝膽新擺撥槐淘與餉粥鄭屠膝沾

不須勾硬肉大餅癡腹確書窓一穗裊廉香三旬鶴俸償

詩債

去冬雪後石湖夜歸錢改齋請余聯句因喝韻得十

餘聯江兼山許弱菴管旭堂皆與焉已弃之矣兼

山携稿來乞書之因加竄定稍得韓孟句法也

湖光碎短棹日脚曳半江雪徑痕癩癩冰溜響琤淙倒影

面浮赤聳稜眉列，雁人煙掠逝羽。鬼火吹枯腔，深墨林圍障。浮青山簪幢，蘆管拗微颺。松頂摩遠，撞鵲巢危。露架鷺浦孤，翹椿暮語聚。茅宇空情豁，蓬窓束苜出叢社。卧槎纜，漁鱖魚叉並，岫獨寇鳧。鳧迎舷，雙爛銀潑眼，瑩碎玉披腹。鏡市燈射敗壁，鄰笏滴糟缸。近爐客促膝，遠酤人度缸。牀掃印塵鼠，廚喧盜肉龙。舉白瘁粟熨，覓句寒涕降。蹙株驚濕灰，刺石通奔瀧。險緹陰平道，捷緣都盧。撞處子皆樸，茂俗學矜奇。雁勇羞投石，固隙戒彎弧。逢開南軒窗，窺北山崆峒。霜鞞月魄鍊，風翦星眸懣。肩鬣標餘枿，賜睽春下缸。宵長偵燭跋，韻險撓鼎扛。覷巧乘堙闖，扶偃植杖帮。吹竽廁南郭，執帛隨小邦。快哉助鼓譟，拔幟投空杠。

劉猛將祠

順昌旗幟閃靈風，簫鼓千村報歲功。多恨金牌追汗馬，枉拋玉帳鎮沙蟲。三衙高卧閒烽帥，一劔橫磨走社公。我欲豚蹄效尸祝，紙田無用愧鄰翁。

步月觀劉猛將會次兼山韻

神鴉近社肥，遠樹挂斜暉。田鼓巫先醉，橋燈叟未歸。月波涼夜展，酒色上春衣。從此攜鉏出，比鄰相見稀。

元夕集子含齋中并簡張小陶次韻

俊遊偶作春雲合妙緒如拈新繭圓
蹋月緩歸銀燭下分
茶小坐玉梅邊留窮文試生花
筆賣困天輪闔草錢賴有
張兄形我少強扶羸老繼清篇

雨

雨脚挾風峭轉嫌駝褐輕暝煙山寺閉
遠水野航橫苔溼
無綠意紙窓有雪聲窮冬渾忘却澤物豈無情

鳧舟送紅白梅兩株植於香白寮用種竹韻

種竹尙婆娑植梅差簡徑數年清夢圓
一春遊屐剩稍瘦
牽羈情尙寒得禪定酒邊重尋盟詩外真懸磬野風獵香
禁隣月移影聽帖鈿麗初妝調鼎酸已孕笑隨健步開案
地媿安得買孤山長伴逋翁醒

太平庵探梅

翻腐儒興丹白未忘懷對當各分庭綿羽有時歌羣芳無
香氣如絲茗盃前雪花微點玉腮妍東風不用相敦迫冷
藥疎枝倍可憐

愛梅未要梅全放無賴辛夷向後催早悉羣芳難鎮壓菊
花開後卽須開

寄顧南雅

聖主求賢本寬大小臣指事却麤疎未論侯霸猶癡否但
視蘇威自蔑如所見易驚皆蜀犬有材輕露卽黔驢江湖

不少魚羹飯肯為民瘼草諫書

韭芽

土毛閤窮冬春蔬無一族后稷窘蕪廡老畦巧嫗伏緼火
排煖房赤萌呀寒谷茶槍剡剡磨蠶蟻蝻蝻簇粲然金釵
股發若丹砂鏃一籠初上市百錢不盈劑齊奴麥苗羞文
淵筍包忍食肴推將領肥甘盡稟服緣飾兼吏儒幹用通
雅俗雖羞二清品要冠五辛目賦瀉羊羔酒細切花豬肉
冬筍不差伍春餅尤宜餽周生固貴早庾郎詎望速難伴
藜藿腸取足瓠壺腹逮其逾扶寸稍可加約束嘗新到貧
廚革故麾華屋老薺墻根挑白團釜底漉難蕪安邑肝慙

對蕪羹粥自牙而著花迴黃已轉綠匹如享野人無庸繭

栗犢從茲蔓甲宅非止照苜蓿菌蕨萼蒿芹芥薑苣藍菽

唐園恣填倉韭老氣不馥力求菜花乾

韓子蒼陵陽集有順老寄菜花乾詩

余亦嗜之當宥松毛禿

正月廿六日雪

冷雲陣陣合長圍一朵迎頭濕打衣與麥圖回饒一白犯
梅持重僅孤飛檐聲向曉雨兼下天色待晴春半歸衰病
患寒還喜事苦無二仲欵柴扉

雪中紅梅

天教傳雪顯精神政作當家膏沐新試把臙脂桃杏着一

番風雨一番塵

水豆腐

麻雀散荒邨

諺云麻雀豆腐到處有

石磨停野店匣牀翻漸空算器

趁已歉剛稜銀粟生熱屬石膏點風竿猛掀攪星檐澹屍

閃飛霜小下鹽垂溜危標劍蛙眼工鏤鏤蠟面巧塗染帶

方勻排錐墻輕便削激湯沐凍顏解酥片瘁肌砭

陳晦隨隱漫錄

每日賜太子玉食批有酥片生豆腐

身拏雖耐七質輕幾悔驗無取辣羹清

要投胫肉醜貧家安辨有常具固叨忝三斤夸大進十錦

甚過僭兒喜餐輒加鄰嗔直常欠各澤馘手批粼粼澀舌

澹處分司寒煩排比腐儒饜蒜甲芼所須蝦乾淪稍添

集韻

他念切

一頃料宜為

廣雅為成也

六月貯能奄

曝極乾封貯雖盛夏可淪

冰壺

令不遭玉雪本可念盎盎乳花浮溶溶汞精斂撒電手何

巧點綠色尤豔

北庖能以冰炒南豆腐董編修琴南庖人能為十六種豆腐用菊葉淪尤色香可愛

耐久交早締老缺齒可齟豎儒宜噉麤老饕漫填壑只憂

真率會孟嘗家不贍

尤展成以肉與豆腐二色為真率會吳江顧茂倫善交而貧人呼為豆腐

孟嘗君

二月四日

梅花渾似雪中看占恁春光只一寒消得阮生經月醉不

青柳眼莫凭闌

破匏偶哢兩三聲未放吟肩故絮輕春冷于冰秋似火天

公端不作人情

為鳧舟題鬪鷄圖

外按小兒踏芳草花冠金距矜觜爪季郈兩家搏一雄苦心韓孟覷天巧華清湯殿作隊嬉東城老父空淚垂兔葵燕麥春風裏說與酒邊老畫師

二月十一日偕豁然補拙二僧山中探梅

圍屏山疊纈成紋圓鏡波環襴孽痕一簇人家幾株雪梅花多處即成邨
破衲連朝滿裝春催開催落不相勻杏花要為梅花補白
白朱朱眼不貧

細蒂檀鬚倒七分沿山澹日閣輕雲忽然一陣踈踈雨殺住濃香不放薰

蔬筍家風巖壑姿援儒入墨共尋詩青鞵烏帽茶山下猶為踈花立少時

草欲抽茸蝶欲飛黏人屨鼻撲人衣只消三日風吹雨合作香泥待燕歸

山坳跋隊幾縈蛇晚喫還元閣上茶做得春深直如許黃泥顏色玉蘭花

吳人呼白辛夷為玉蘭

石契齋試七寶泉

春泉鳴石乳午夢味雲腴偶作煎茶會何須調水符烏薪

漸飛雪白沫已連珠蚪竅聲方沸松濤散忽孤八功池不
遠三昧手非無小啜眉知意餘甘舌問吾重樓澆鬪品兩
腋擬清都試急先符杓嘗多且注壺炙餅猶唧唧散策欲
于于花墮欄前久煙颺竹外紆九難曾有述見茶經二妙暫
相娛李季卿謂楊子南冷水及陸羽處士煎之謂二妙水記他年續何人畫竹爐
素娥須會意十分明艷餞昏黃

綠萼梅

上巳日出遊

小紅澹白半晴光翠袖人遲竟體芳春水初生微蘸影曉
烟欲上故窺妝一痕待曳褰腰煖三弄幾吹酒面涼今夜
百五重三并一日儻蕩東風嫩晴色扇偶作伴時未須杖
堪扶衰齒將得菜畦麩金日色鎔桃岸纈綵煙痕織登山
無嫌一里遠開園正可數錢直牙郎村女駢隊伍疏步冷
顏隨作息山堂水榭百精雅只與俗僧快眠食鳥嘯松吹
幾般勤應為詩翁能技拭春歸草長人自稀白剝長廊戰
蟻黑

白躑躅花

江浙山嶺間躑躅最爛漫嫩綠抽未齊殷紅映不斷銀釵
樵髻簪瓦瓶村塾玩噴雲凍孤秀冠玉驚此粲嵐開媚巖
幽縞耀標几案翠葉小紛敷素萼高璀璨有影圓月籠無

香隙風竄簾紋窺水窓鷺羽濯江岸盤飧勸少留偏提煩
再灌海棠落未知牡丹開已半自嗟冰雪懷難將錦繡判
散人對野花一歡成三歎青春去堂堂何消杜宇喚

顧劍峯不見十五年共遊天平隨宿跨塘顧生舍明

日別去

十五年來一面難林泉不作夢中看綠陰如許頭仍白明
日云何夜復闌欲挽江湖罄懷抱僅存皮骨琢心肝笑君
亦自成瘡虎野鳥紛紛競作鸞

食白筍

釋贊寧筍譜言筍色大約不過青綠而云木
玄虛著四明山記有毛竹銀筍者未詳豈古

今來皆不
知此品耶

吳興斑犀白銀色赤馬風帆渡湖亟春分開秤一闕馳寒
食削頭幾錢直尔非如綬薑作蕘波及貧厨為技拭朝煙
禾起心加餐食指初搖眉動色玉臂休褫紫錦裯透鼻軟
香灰漸熄麻油薑豉雜調之重樓咽甘靈府植誰言滑利
筮刮腸自覺靈通帚掃臆惟愁風日損真美每笑麤人慣
生食偶思一嚮肉同嘗却似揚州鶴叵得先生作計太奢
遮蝨簡多生責未塞駸駸解籜夏成林煮簣如何借火力
後來蠶豆慰清饒食料天公不汝嗇

討蝨寄江大

人非蝨父母利養蒙甚愛子孫并日成孳尾一牀配但飲

卽求飽無疾恒處內香臭機兩忘瘠肥樂共徠處禪兼遨
 襦緣督善攻背耗耗蹙細步額額恣下喙遊奕鬚鬣沿抵
 戲縷綵戴傳餐上下番濟師先後輩一縱一橫來三祭三
 咤退巨魁劇漂杵么膺紛歆敦體瑩含火珠腹圓曳水碓
 蹒跚適稱妮痞痛旋積塊謬種遺以貪利口遭無貨悴革
 包壤墻枯樁露涸塙老病翻相期股削料無礙飢困爾望
 憐齊書江泌衣弊恐蟲飢死乃復取置衣中苛癢我誰代頓遞蠶起眠牽率蟻
 按隊莫施搔爬地堪揣眉睫態將捕裸形羞風俗通趙仲讓向日解衣
 裘捕益厥形悉露欲捫談舌廢顧和乘宴間下彬破忍耐身事不
 整齊生理益芒昧火攻出下策鼎烹等大熬獲級功先最

殲族辜徐倍狡穴搜布經潛形混絲類鶴鷓眼眶張蟻蛭
 燈炷焯反覆得窮治見知悉連逮贓證何從肥報論詎須
 劫猶恐濺衣污要遲撮指碎聚訟死方休相弔生肯悔懸
 釐戶牖徇焚炬阿房慨心清坐安禪體虱念阿房宮賦于被中見志怪錄
 便行勝鎧譬邦國撫綏期盜賊創恣幸免心腹痕常結容
 臭佩恬澹屏葦羶澡雪除垢穢庶幾奠惺忪無復蘇婦燧
 奇兵出不虞黠蚤知好在佛性撲仍無刑典施可概遠循
 蚊習飛唐突背新淬有肉誘肖翹說苑師曠云肉自生蟲木自生蠹彼蒼
 矜頗類尸蟲催交割微軀難徧賚故事徵琵琶新妝舒翠

黛宋徽宗始呼
 蟲為琵琶蟲

初夏

麥花風裏半秋天桑甚微乾豆莢圓好鳥數聲催日轉教
人沽酒欲便錢

今年燕子不窺廬尺許蓬蒿嬾復鉏莫道此中聲息寂竹
方解籜我翻書

蠹魚久與我為讐日檢羣書堆過頭只似卧遊屏障裏半
年圖上十三州

時方作水
經注疏證

鳩窺甚熟時謀醉蜂見花稀夙備窮青筍黃魚好時節小
兒悵望老夫聾

蠶豆

綠囊緘信報春歸露地牯牛蹋尚稀

蠶豆有
牛踏匾 垂莢箔中蠶

漸老試花陌上蝶初飛茶煙已倦煩纖手麥浪猶寒賜褚
衣幸自排當櫻筍後一甌能使玉池肥

鮭魚示朱春帆

抽蒲剡劔脊分苗漾針尾石首嫌非新銀鱗憶正美北風
三日寒夜雨半篙水貯冰載江船貫柳上吳市鮮腴特相
勸口福無可比酒子筍孫輩一一供佐使蟹黃熊白倫草
草等奴婢膏脣挑玉葉朶頤剝紫綺漸期膾下咽那顧骨
刺齒鰭脊循序盡落糝賀遊蟻春冬飯屢加立夏茶先擬
覆呬思其餘捫腹告以旨此腹乃菜園一飽偶然喜尤物

當炎夏泔奧俱非計醜糟與蜜漬駿骨何由駛列鼎亦奚
為釣石不須起沽酒脫羊裘揮手雲臺鄙

漁家村

桑榆明暗相倚豆麥青黃未收早蠶貓窺籬角哺雞筍過
牆頭導饑風前一犬作家雨後雙鳩曳杖時敲佛屋垂竿
或上漁舟

柏樹庵

雞聲共人語柏社即蓮龕斗室山分翠長橋水潑藍鐺頭
香大麥桑眼倦原蠶欲識西來意維摩病裏參

牛總管廟

虛廊甲馬欲嘶風四敗烏珠孰論功百戰餘生弓影裏十
年往事哭聲中不諧痛飲黃龍府猶貌英姿黑稍公箭鏃
二升消受得小朝廷自決和戎
楊再興傳戰死小商橋焚
不以馬革裹屍而死
鏃二升牛伯通自言
牖下為恨故為北

鳧舟以窰上枇杷見餉小嘗知其佳急封送錢連璧

邵幼準連璧詩來謂被通子啗盡也次韻答并柬

鳧舟

佳士無雙稱此名南邨難與北邨爭
橫山諸楊亦有名
然殊不及盧也勻

于金彈膚尤潔鮮過糖霜舌自清茶食有時驚北客
劉祁歸潛

志宋使至金果園何計乞南卿一簞分餉非無意邀頡松

陵唱和情

犖甫以蝦子醬油餉報以金橘餅并詩

周官用醬百二十魚卵蛾子登几筵未知罨黃窄油法麩
鹿羸蜃脰腥羶濛濛散樸反簡要三物既熟輟鹹泉羞官
得此調萬口食肴之將誰能先更淘素蝦罄腹實天闕孳
類貪華鮮石湖故人應泛索半餅氣壓瓊甌干

貨殖傳醢醬干瓊醬

干翁翁浮蟻瀉玄酒醴醴沃泊流饒涎但芼蔬材調一勺

可抵稍食糜萬錢鰕生自揣無奢望苦嫌脫粟窮天年一
從牢盆日股削牟利翻羨桑孔賢壇丁窮谷常淡食熬波
漉井嗟徒然此時拂席設醬齊肉麩救餓功誠偏我與邵

生窘半菽何人干斛江流填圖回聊致金橘餅冒熱亦備

門冬煎

犖甫約過訪故用子瞻與元章事

題崇真道院

清泉與白石在心不在境世網尙櫻寧終南祇捷徑都亭
雖浩穰道院足幽夔况有老黃冠玄風振塵柄塵影開妙
香市聲隔清磬泰宇近天光諸根徹圓鏡涼飈散幽篁灑
然步虛聽蒲褐雖未依景象先可評瑞鶴或再來高閣幸
可凭闔門十萬家煙氣鬱如甌高真亦攢眉擾擾何時竟

詠薺

誰界山居祿野蔬此冠等迎冬冒陳根冪雨滋荒町作羹

爛著糝淪菹脆削艇朝携靈照籃午炊放翁甞饒解肉邊
菜甘廻飯後茗傷心荒徼外抗志西山頂高力士蔡元亦定皆齋事
有獻芹忱庶幾調銅鼎

探支除夕行 并序

辛巳季夏度疫剛痺僵仆相係樓羅者掠錢打夜狐齋
塗炭罔效姑咎歲之不祥於六月大盡如除夕之儀可
除舊災迓新禔此亦鄉曲之愚可笑者也作探支除夕
行

重明鳥不來但呼車載板風聲騷騷日色黃恐獨炎官撒
火繳兒啼阿爹女哭孃哭未成偃身亦僵一郵往往炊煙

斷游光野仲淹披猖直是此年鬼當令化日舒長人苦逆

愚心悁悁代天謀截取秋冬作元正月邊月盡為月邊見公羊注便

是大除夕湯餅堪充年餽餽轟轟爆竹破鬼膽責臺只欲

逃鬼伯云何消夜果浮瓜沉李冰磊砢云何序歲酒碧筒

滿挹團欒坐銀漢橫斜歲向闌笑吹楸葉當椒盤逐貧并

欲煩侂子悲秋無奈入新年先生樓指得巧歷五十之年

壽已百慙懼兒女亦歡然乞巧可中得人日

哭江生 并序

余居鄉日久朋從寥落青青子衿匪獨無可教亦無可
語雖處鎮集邈焉如蠻箐晚得三四人聊以文譙自娛

江生岷發其一也無幾何以暴疾卒生遇余作詩尤力
能體物惜其方進而遽已也效孟郊體悼之

孟郊哭盧殷我今哭江生兩窮判一哭盡淚無盡情我亦
自有淚不爲逝者傾向非逝者感灑淚亦不輕白日無生
氣黃泉窮哭聲氣息一不屬何知享令名令名况未立鬼
伯有嚴程

我性固寡合介特如狡獬所居非仁里目我爲怪魁眉頭
灼熱艾心下淘寒灰毛羣嗥且狷一言無所諧石湖有逸
士左提而右攜最後遇江生碎璣投我懷天寒聽苦吟聲
若蛭蚓哀我病擁衾坐技癢顏亦開摧爾六尺軀增彼一

掬泥奪我一日雅負此長年悲出門見人類擾擾徒推排
自我得江生經月一放櫂朱生操杖從錢許折簡召江河
導正源經史飫厚犒子時不聽瑩撫掌助鼓譟舉頭如許
大開口得幾笑我福不蔭子異物相妬媚棘針裂長風鬼
臂倏然掉醫藥罔所施妻孥莫聞教詩心不可埋秋墳聽
哀嘯

刺促已刺促苦辛長苦辛生死天非天榮悴人亦人靈蠢
各有類鳥獸同號呻痛惜何嘗知嗚哭了無聞有淚不能
制爲此平生親寡妻與弱子其情豈忍云鼠嚙遺文卷蠹
網空酒樽虛堂不忍窺帷燈類青燐痛逝行自念斯須百

年身

口號

露柱燈籠共夕晨
隱囊懶架了間身
極知識字鄉風忌
置酒難招好事人

捫舌瘖聾尙未能
兒頑猶費譴訶聲
闔房只少高柔福
若論優閒已半生

顛當守穴將牢甚
國貉循聲附和工
羽翼無端施白鳥
衣

冠底用飾青蟲
劉駐以進士為青蟲
見通鑑二百五十

初秋寄懷屠孟昭

商飈挾雨戰炎涼
三徑寥蕭兩鬢蒼
數翰墨場新輩少
開

文書篋舊情長
餉錢不擬顏光祿
飲酒猶思顧建康
官職粗酬詩過好
要期門戶付諸郎

茄子飯猶親膳闕
桃花米亦宦囊空
秋懷次骨宵吟裏
書味蟠胸宴坐中
追悔自多循少壯
乞憐差尠保衰窮
禮堂寫定知何日
未免間愁動此翁

雞頭粥

便作硫黃服播盆
擣卵菱轉喉珠琲
細充腹玉漿澄苡
薏仁同瀾枕根麴
莫蒸舉家那辨食
盛饌老夫應

欽定四庫全書

卷十五



